



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აბამ ბაკურიანის ძე

აბამ ბაკურიანის ძე, XI ს. ქართველი მოღვაწე, ბიზანტიის იმპერიის მაგისტროსი, ძმა [გრიგოლ ბაკურიანის ძისა](#). მსახურობდა ბიზანტიის სხვადასხვა პროვინციაში. თავდაპირველად ანტიოქიაში ჰქონდა მამულები, შემდეგ მათ სანაცვლოდ თესალონიკესა და სერის თემებში მიიღო სოფლები, რ-ებიც მისი ანდერძის თანახმად, გრიგოლმა პეტრიწონის ქართველთა მონასტერს გადასცა. ამის გამო ა. ბ. სიკვდილის შემდეგ ამ მონასტრის ქტიტორად ითვლებოდა. დიდ მზრუნველობას იჩენდა იგი ათონის ივერთა მონასტერი|ათონის ივერთა მონასტრის ქონებრივ კეთილდღეობაზეც.

ლიტ.: შ ა ნ ი ძ ე ა., ქართველთა მონასტერი ბულგარეთში და მისი ტიპიკონი, თბ., 1971.

ა. ბოგვერაძე
